

Heidelberg, 17. August [1572?]

Von Paulus Melissus

Germanisches Nationalmuseum Nürnberg, Archiv, Autographen (K 21).

S. P. D. Quin multa habeas, mi Volfi, nondum edita, non dubito: quin plurima eorum, de quibus scribis, non deleveris omnino, adduci haud possum ne credam. Proinde serves velim, quae ego, quae alij conservata cupimus. Quid ego vel egerim hactenus, vel in posterum acturus sim, propediem ut spero videbis: quare ignoscet si pluribus epistolae tuae non respondeam: neque sanè verò tantillum mihi vix licuit exarare, qui pristino ferè alligatus sum. Preium cantionum Orlandicarum mihi in chartam conijcias peto (sunt enim aliae, quas istinc ad me preferendas curavero) caeteroqui futurum est, ut viam mihi intercludas, hoc est, spem adimas animi. A conflictu prope Montem jam diu nihil audimus, praeter Venlonum oppidum Geldriae (ut ajunt) a nostris captum: illud ipsum est vbi ante annos undetriginta Clivensis Carolo supplex factus. Fertur rex Hispaniae dixisse, digitum sibi potius amputari passurum, quā Belgarum rebellionem. Ex vnius pharetra sagittae istae omnes: quem Deus aliquando, et proculdubio brevi confossurus est. Vale mi cariss[ime] Volfi, et me ama. Dat[ae] Myrtleto. XVII Augusti.

Tuus Melissus.